



Innuttaasunut kiffartuussineq pillugu nalunaarusiaq **2022**



Kalaallit Nunaata Radioa
Greenlandic Broadcasting Corporation

KNR · Postboks 1007 · Issortarfimmur 1A · 3900 Nuuk

knr.gl



Siulequt

Tusagassiisarfiit ukiuni makkunani suli siuariartorfioqaat aammalu KNR-ip aallakaatitsisarnini Innuttaasunut Kiffartuussineq pillugu isumaqatigiissutit aningaasatigut killissarititaasut ukiumoortumik 71,2 mio. kr. missaaniittut atorlugit siuarsaaniarnissaq tamaviaarutigalugu.

Tamatuma saniatigut inatsisit naapertorlugit radiukkut TV-iikkullu pilerisaarutinik, aallakaatitanik aallakaatitassianilu aningaasaliiffigitinnissamut kiisalu SMS-inik akisunaakkanik pilluaqqussutinillu KNR periarfissaqartuuvoq. KNR taamaalilluni 2022-mi oqaluttuarisaanermi kaaviaartitaqarnerpaajuvoq 79 mio. kr. sinnilaarlugit.

Taamaattumik Innuttaasunut Kiffartuussineq pillugu isumaqatigiissutini nal. akunneri sipporlugit KNR aallakaatitsinisaminik periarfissaqarpoq. Taamaalilluni KNR aamma aallakaatitassiat amerlanerusut suliaralugit sinerissamiissinnaaneruvoq.

2022-mi suliaqarnitta nalunaarsornerini takuneqarsinnaavoq, KNR ataatsimut isigalugu Innuttaasunuk Kiffartuussineq pillugu isumaqatigiissut eqqarsaatigalugu radiukkut nal. ak. 189-inik amerlanerusut aamma TV-iikkut nal. ak. 100-nik amerlanerusut angusimagivut.

2022-p ingerlanerani ajutoornermi sarfalersuummut 1,4 mio. kr. KNR-ip pisiarisariaqarsimavai, sarfalersuutip nutaanngitsup sarfaq atorneqartussaq artormagu, radiomut teknikikkut atortunik pisinermut kiisalu biilit iluarsaatissallugit imminut akilersinnaanngitsup taarserneranut.

Siuliani taaneqartut apeqqutaatinngit KNR-ip 2022-mi angusai naammaginaruupput ilutigillugulu KNR-ip naatsorsuuserinermut ilitersuutaa naapertorlugu aserfallatsaalisaaanermut teknikikkullu atortunik taarsersuinissamut akissaqarluta.

KNR-ip nutaarsiassaqaartitsivia ukiumi tassani nunaqavissunik ilinniarsimasunik sulisussaaleqivoq. Taamaattumik ukiup ingerlanerani radioaviisit ikilisartariaqarsimavagut, tamannalu assorsuaq ajuusaarutigaarput. Sulisut arlaqartut immikkoortortaqaarfinnut allanut nussorneri apeqqutaatinngit, Innuttaasunut Kiffartuussineq pillugu isumaqatigiissutit naapertorlugit nal. akunneri kissaatigineqartut aalajangiusimasinnaasimangilagut.

KNR-ip siammarteriviini piffissat uku ataatsimoortumik suliffiusarput:

Sæson A januaarip aallaqqaataannit juunip 21.-ata missaata tungaanut.

Sæson B juunip 22.-ata missaanit aggutsip naanerata missaata tungaanut, tassani sulinngiffeqartoqarnera il. il pisutigalugit aallakaatitat ikilisinneqarlutik.

Sæson C aggustip aallartinnerani decemberip 31-ata tungaasut atuuppoq

Soorlu uani nalunaarusiami aamma allassimasoq, ersarissuuvoq tusarnaartartut isiginnaartartullu ileqqi suli allanngoriartortoq, soorlu ukiuni arlalinni malinnaavigippit. Nunatsinni tusarnaartartut isiginnaartartullu ileqqi allanngorput soorlu tamanna nunarsuarmi sumiiffinni arlaqartuni takusinnaagippit, uagutsinnullu ukiualuinnarnik kingusinnerulluni. Taamaattumik suli pingaartuuvoq KNR-ip ineriartorneq malinnaavigissallugu tusagassiivikkullu siammarteriviit nutaat nukittorsarlugit. Periusissiornikkut suli anguniagaavoq ukiuni aggersuni aallakaatitsiviit siammarteriviillu ineriartortissallugit isiginnaartartut tusarnaartartullu piimasaat naammassiniarlugit. Taamaattoq nassuerutigisariaqarparput, naak teknologi nutaaq sulisutigit isumalluutissanik soorlu aallakaatitsinermi, aallakaatitassiornermi naammassisaqarsinnaassusikkut pisariaqartitsinngikkaluortoq, sulisutigit aningaasatigullu killissarititaasut eqqarsaatigalugit KNR-ip annerpaaffissat angoreerpai, nal. akunnerini amerlanerusuni aallakaatitsisinnaanermut.

Sulisoqarnikkut ajornartorsiuteqaraluarluta KNR-imi aaqqissuisoqarfiit suleqatigiilluarnerisigut Folketingimut qinersineq 2022-mi pilersaarutit malillugit malinnaavigineqarnera naammassivarput.

Atuarluarina

Karl-Henrik Simonsen

Kalaallit Nunaata Radioa pisortaaneq



KNR Radio

Nunatsinni aallakaatitassiortunit allanit (R1)

Aallakaatitassiortunit avataaneersunit radiukkut aallakaatitassiornermi nal. akunneri 213 KNR-ip 2022-mi pisiarai, Innutaasunut Kiffartuussinermik Isumaqaatigiissummi nal. ak. 75 piumasaqaataasut. Illoqarfinni tusaataatit inuillu namminneerlutik aallakaatitassiortartut ikittuinnangortut KNR-ip suli suleqatigilluartuuvai.

Nammineq aallakaatitassiat (R2)

Radio nal. 6:30 aallartitarpoq 19:00 miss. kipisarluni, tassani unnuup sinnerani unnuakkullu aallakaateqqitat allakaatittarlugit. Ilaatigut Nunatta Nipaa, Inuiaat Tillererat aamma Inuushow toqqaannartumik aallakaatittakkat ilagaat sivosunerusumillu aallakaatitassiatut aqqisukkani ilaatigut taasinnaavagut Oqaluttuarisaanerput ilisaritipparput, Aqqutiga, Appilaaruk il.il.

Innuttaasunut Kiffartuussinermik Isumaqaatigiissut naapertorlugu KNR Radio nal. ak. 2.790 aallakaatinnissaannut 20-nik sulisoqarpoq, piumasaqaataasorli apeqqutaatinnagu KNR 2022-mi nal. akunnerini 2.976-ini nutaanik radiukkut aallakaatitassiorpoq.

Taamaattoq Nutaarsiassatigut nal. akunnerinik 53-inik appariaateqarpugut, tassani sulisussaaleqineq pissutaalluni.

Immikkoortortaqaarfii arlaat sulisussaaleqippat, immikkoortortaqaarfik alla unammilligassaqaassaaq, sulisut immikkoortortaqaarfii akornanni nussortariaqartarsigit. Tamassuma sanngiillisarpaatigut, pissutigalugu napparsimanerit allatigullu sulingitsoonerit immikkoortortaqaarfii tamakkerlugit sanngiillisittarmatigut, nal. akunnerini aallakaatitsinerit ikilisillugit.

Tamassuma aamma kinguneraa, sammisassatut pilersaarutigineqartut allat soorlu piginnaanernik siuarsaanerit naammassinnaat ajornakusuulersarmat, Innuttaasunik Kiffartuussinermik Isumaqaatigiissutini nal. akunneri piumasarineqartut naammassiuassagutsigit.



Meeqqat inuusuttullu (R3)

M&I immikkoortunut marlunnut avinneqarpoq, meeqqanut immikkoortortaarfik taavalu inuusuttunut immikkoortortaarfik. Issittormiuaqqat meeqqanut TV-iikkut sap. akunnerinut marlunnik aallakaatitassioortarpoq, ilinniarneq aliikkusersuinerlu qitiutillugit. Akunnerit naanerini meeqqanut radiukkut aamma aallakaatitassioortarput, tamanna suliniutaavoq nutaaq, paasigatsigu ulluinnarni aallakaatitassiat meeqqat meeqerivinniinnerini, atuartullu atuarneri tusaarnaarpiarneqarneq ajortut. Meeqqanut inuusuttunullu immikkoortortaarfik taamaalilluni nal. akunnerinik 403-nik aallakaatitsivoq, isumaqatigiissummit nal. akunnerinik 108 miss. amerlanerusunik. Tamanna soorunami tulluusi-maarutigaarput, sulisugullu ikikkaluaqalutik naammassisaqarluartut qutsavigalugit.

Inuusuttunut aqqissuisoqarfik inuusuttunut nutaarsiassanik, inuusuttunut ullutsinni pisunik, inuusuttut tusaamasat pulaartinnerinik, Nunatsinni inuusuttut sulerinerinik oqallinnernik, radiukkut TV-iikkullu inuusuttut allat akuliusimatinnerinik suliaqartuuvuq. Aqqissuisoqarfimmi sulisuupput aqqissuisoq aallakaatitassioortullu pingasut kiisalu teknikerit marluk, Issortarfik 1-imi KNR-ip illorsuani naqqup ataani (Møbelmagasine'p initoqaani) inissimallutik. Taakku Issittormiuaqqanut aamma Inuushows'imut TV-iikkut aallakaatitsiviliorsimapput, allaffeqarlutik isumassarsiorfeqarlutillu.

Eqqumiitsuliorneq kulturilu (R4)

KNR Radiomi aallakaatitassiani tamani eqqumiitsuliorneq kulturilu initupput, toqqaannartumik aallakaatitani aammalu sivisunerusumik aallakaatitassiatut aqqissugaasuni.

Ullaakkut aammalu ullaap tungaani aallakaatittakkat Nunatta Nipaa aamma Inuiaat Tillernerat ulluinnarni aallakaatineqartarput ullaap tungaa tamakkerlugu tassanilu eqqumiitsuliorneq kulturilu kiisalu ullutsinni pisut tamakkerlugit sammeneqartarlutik. Taakku taamaalillutik 2022-mi nal. akunnerini 1440-ni aallakaatitsipput, isumaqatigiissutini nal. akunnerinik 140-nik amerlanerullutik. Taamatut aallakaatitassioorfik 2022-mi sinerissami sulisoqalerpoq, sumiiffimminni aallakaatitsisarlutik oqallitsisarlutillu, naak Nuummi aallakaatitsivimmiingikkaluarlutik. KNR ukiuni kingullerni sinerissami periarfissaqartillugu sulisussarsisinnaasimavoq, taamaaliornikkut sinerissamiilersinnaalluta tassanngaaniillu allakaatitsilluta.





Timersorneq (R5)

2022-mi sap. akunnerinut radiukkut timersorneq pillugu suli aallakaatitsisarpugut, taamaattoq aasaaneraniunngitsaq. KNR Radio sap. akunneri tamakkerlugit nal. ak. aappaata affaa timersornermik aallakaatitsisarpoq. Aallakaatitsineq toqqaannartumik aallakaatitsivimmit pisarpoq, tassani Nunatsinni nunani allani timersornermi pisut assigiinngitsut oqaluttuarineqartarlutik. KNR Radio taamaalilluni 2022-mi nal. akunnerini 106-ni aallakaatitsivoq. Tassunga atatillugu aamma oqaatigineqassaaq sulisut aamma TV-iikkut timersornermik nal. akunnerinik 280-nik aallakaatitassiomata kiisalu web-ikkut arlalinnik allagaqarlutik.

Nutaarsiassat ullutsinnilu pisut (KNR Radio) (R6)

Radiukkut nutaarsiassat ullutsinnilu pisut

Nutaarsiassaqaartitsivimmi sulisussaaleqineq pissutigalugu radioaviisit 2021-mi ullormut 7-nit 2022-mi apriliimi ullormut sisamanut ikilisinneqarput, aammalu taakku sisamat sivikillineqarlutik. Sap. akunnerisa naanerini radioviisit allanngortinneqanngillat. Taamaattumik Innuttaasununut Kiffartuussinermik Isumaqaatigiissutini nal. ak. 1.050 naam-massissallugit periarfissaqarsimangilaq. Taamaalilluta taamaallaat 997 aallaakaatippagut, Innuttaasunut Kiffartuus-sinissaq pillugu isumaqaatigiissutini anguniagaasut nal. ak. 53-inik inorlugit.

TV-iikkut nutaarsiassat ullutsinnilu pisut

TV-iikkut nutaarsiassat kiffartuussinissamik isumaqaatigiissutini nal. ak. 220 anguneqarput nal. ak. tallimanik ilallugit. Qanorooq aamma tusagassioortussaaleqivoq, taamaattumik aallakaatitsineq ullormut minutsit 20-nit 2022-ip anner-saani ullormut minutsinnut 15-17-inut aamma sivikillineqarpoq.

Novembarip aallaqqaataani Folketingimut qinersineq soorunami aamma malinnaavigineqarpoq oqallinnertalerlugu, qineqqusaarnertalerlugu aammalu qinersinerup naammassinerata unnuaanik, tamakkulu TV-iikkut aallakaatitagitut sammisanut ilanngunneqarput.

Ilinniartitaaneq peqqinnerlu (R7 aamma R8)

Ilinniartitaaneq peqqinnerlu aallakaatitassiani initutinneqarput. Aallakaatitassiat arlaqartut aamma peqqinnermik ilin-niartitaanermillu sammiveqarput, kisianni eqqumiitsuliornerup kultureqarnerullu ataanniillutik, taamaattumik ilinni-ar-titaanerup peqqinnerullu iluini angusat nangaanartoqartoqartinneqassapput, piviusumik nal. akunneri amerlanerusut ator-neqarmata, allanut tunngasuni nalunaarsorneqaannarlutik.

Tamanna salliusumik toqqaannartumik aallakaatitani, aallakaatitassiani sivilisunerusutut aaqqissukkani aammalu meeqqanut inuusuttunullu aallakaatitani, qulequtat toqqaannartumik attuumassuteqartinnagit. Assersuutitut taane-qarsinnaavoq Issittormiuaqqat, meeqqanut ilinniarnermik sammisaqarfusoq, *oqaatsit, kisitsisit aammalu nunat/nuna-lerineq.*

Danskisut aallakaatitat (R9)

Ukiunerani 2019-imili nammineerluni aallakaatitassioortartoq KNR-ip suleqatigilerpaa danskisut inunnik ilisaritsinerit inuiaqatigiinnullu tunngasunik danskisut aallakaatitassioortillugu. Nutaamilli unammilligassaqaarnerani nal. akunneri siornarnit ikinnerusut aallakaatitassiarineqarput, oqalliseriaatsit allanngormata. Siusinnerusukku KNR radiukkut TV-iikkullu kalaallisut danskisullu oqallitsisisarpoq. Ullumikkut kalaallisuinnaq oqallittoqartarpoq kanali alla atorlugu toqqaannartumik oqalutseqartillugit. Taamaattumik TV-mi kisitsisit aallakaatitassiat Danskisut oqaasertallit nal. akun-nerinik 15-inik amigarput, killormut danskit oqaasiinut nutsikkat nal. akunnerinik 59-inik qaffattut.

KNR TV 2022

Nunatsinni avataanit aallakaatitassiortut (T1)

Innuttaasunut Kiffartuussineq pillugu Isumaqatigiissutit piumasagaateqarput KNR Nunatsinni aallakaatitassiortunit avanataaneersunit aallakaatitassianik pisisassasoq taakkulu aallakaatitassanik pilersaarusionerq malillugu sap. akunnerinut pingasunik qulequtalinnik aallakaatitassiortoqarpoq, tassaasut sæson A-mi sæson C-milu Piorsarsimassuseq kiisalu KNR-imi oqalualaatitsineq Illeq, kiisalu ukioq kaajallallugu Qanoruumi.

Aallakaatitassiorfiit avataaneersutut taaneqarsinnaapput Nanoq Media aamma Sisimiut TV kiisalu Uummannamit, Sisimiunit, Maniitsumit Nuummiillu namminersorlutik videoliortartut.

Ukiuni arlalinggortuni KNR sinerissami aalajanersimasunik suleqateqartarpoq. Taakku aallakaatitassiortartut avataaneersut aallakaatitassiat qulequtserlugit imaqtartut Innuttaasunut Kiffartuussineq pillugu Isumaqatigiissutini nassuiaasiorneqartut nakkutarsisarpaat, tassaani KNR aqqjissuussisutut akisussaaffeqartulluni kiisalu aallakaatitassiat aallakaatinnissaannut akuersisuulluni. 2022-mi KNR aallakaatitassiortunit allanit nal. ak. 99 pisiarai.

KNR-imi nammineq aallakaatitassiat (T2)

Nal. akunnerini 824-ni KNR aallakaatitassiorsinnaasimavoq. Aallakaatitassiat soorlu Issittormiuaqqat, Inuushow, Qanorooq, Illeq, IKUMA, KINAMITA, Illeq eqikkagaq, Piorsarsimassuseq, kulturimik aallakaatitassiat allat kiisalu nal. akunnerini 280-ni timersorneq.

Pilersaarutaasumik aallakaatitsinerit saniatigut Covid-19 pillugu januaarimi, februaarimi marsillu aallartinnerani Naalackersuisut tusagasssiisarfinnik katersortitsisarput.

IKUMA – tallimannngornerni oqaluttuarisaanermit kultureqarnermillu apeqqutit pillugit eqqoriaasitsilluni aliikkusersuinerit aallakaatitsivimmi nipilersornertallit kiisalu sms-imik unammisitsinertallit sæson A-mi isiginnaarneqarsinnaapput.





Sæson C-mi aliikkusersuusiaq KINAMITA takutinneqartoq, tassani inuk aallakaatitsivimmi isiginnaartitsisartoq Kimmernaq Kjeldsen pulaartoqarluni. Aallakaatitassiaq iluatsilluarpoq isiginnaartartunit nuannerineqarluni.

SMS-ikkut unammisitsinermut atatillugu SMS-imut ataatsimut 2 kr. Nunatsinni ajunngitsuliornermik siunertaqartunut tunissutigineqartarpoq.

Taamaalilluni 600.000 kr. sinnerlugit ajunngitsuliornermik siunertaqartunut KNR-ip katersorsinnaasimavai Nunatsinni Inuunerittamut aningaasarpaaluit ilanngullugit, tamannalu soorunami tulluusimaarutigaarput, Nunatsinni meerarpasuarput ullut iluarnersitseqataaffigalugit.

Ukiuni kingullerni NTK-mi peqatigiiffiit marluinnaat ingerlapput, taamaattumik aallakaatitassiorfittut inuussutissarsior-tut avataaneersut allat suleqatigineqartariaqarsimapput. TV-qarnikkut peqatigiiffiit ullumikkut NTK-p ataani kattuffe-qartut salliusumik tassaapput qaammataasiakkut internetsikkullu niuernikkut aallakaatitassianik aallakaatitsivipput. Soorlu naassuiaammi kingusinnerusukkut atuarneqarsinnaasoq tusarnaartartutta isiginnaartartuttalu akornanni tamanna siaruaraluttuinnarpoq. Internetsimik atuisartut amerlialuttuinnarput tamassumalu Nunatsinni TV-qarfiit nunani allanitulli eqqorpaat.

Ullumikkut innutaasut isiginnaarusutatik akikitsumik assigiingitsunit aasinnaasarpaat, TV-qarfittut peqatigiiffinit neqeroorutigineqartunit akikinnerusumik tamannalumi innutaasunut soorunami pilerinartuuvoq, Smart TV atorlugu aaginnartarlugit.

Viaplay, HBO, Disney Channel minnerunngitsumillu Netflix siaruarsimalereersut takusinnaavarput, tassani innuttaasut atuinerat malunnartumik allangorluni, aamma tamanna uagut siammarterivitsigut takusinnaavarput, tassani ukiuni kingullerni tusarnaartartutta isiginnaartartuttalu pissusiat allangorsimalluni.



Meeqqat inuusuttullu (T3)

2022-mi Meeqqanut Inuusuttunullu nal. ak. 53 aallakaatitassiarineqarput. TV-mut immikkoortortaqrarfiup teknikerit marluk kiisalu atortulersuutit Meeqqanut Inuusuttunullu immikkortortaqrarfimmu aallakaatitassiorunut sisamanut atugassanngortippai.

Issittormiuqqat, ataasinngornerni tallimannngornernilu aallakaatitassiat marluk kiisalu pingasunngornerni Inuushow inuusuttunut inuusuttunik maligassiuusutut ilisarimanegartunik, timersortartunik quiasaarisarunillu pulaarteqartarput. Aaqqissuisoqarfik aaqqissuisumik aallakaatitassiorunillu 3-nik sulisoqartoq Issortarfik 1-imi KNRip illuutaata naqqani ineqarpoq aallakaatitsiveqarluni sulisunullu allaffeqarluni. Aaqqissuisoqarfinguaq taanna aamma meeqqanut inuusuttunullu nal. akunnerini 403-ni radiukku aallakaatitassiorpoq. Sulisut taama ikitsigisut taama pissanganarti-gisunik nuannarineqartunillu aallakaatitassiorsinnaanera nersualaagassaavoq.

Timersorneq (T4)

GIF-imik aammalu immikkut kattuffinnik suleqateqarneq ingerlalluarpoq TV-mut pilersaarusiortuarnermik angusaqarfiusumik nal. akunneri 280 sinnerlugit timersornermik pisunik aallakaatitsisarnermut, tamannalu angusaavoq naammaginartutut oqaatigisariaqartoq. Arnat angutillu Futsalimik pissartannngorniunnerat, USAmit ujakkaarluni VM, Poor-skimi Timersorneq, assammik arsarluni pissartannngorniunneq, Qaannamik pissartannngorniunneq, Isikkamik arsaalluni pissartannngorniunneq, angutit Mexicomi assammik arsarut, Greenlaand Strongest, Schweizimi sulorartuni peqataatitsineq 2022-mi aallakaatinneqarput.

Timersornermik pisuni arlaqartuni KNR-ip sumiiffimmiilluni toqqaannartumik aallakaatitsinnaaneranut aningaasaliisartut qulakkeeqqataaffigaat. Tamanna aamma siunissami pisariaqassaaq, KNR timersornermi pisunik aallakaatitsisinaassappat taamaaliornikkullu siunissami timersorneq peqqissumillu inuuneg nukkittorsarfigeqataaffigalugit, soorlu tamanna innuttaasut peqqqissusiat eqqarsaatigalgu GIF'ip aamma takorluugarigaa. KNR-ip nuannaarutigaa aamma taamaaliornikkut nunarsuarmi aalanerpaasut GIF'ip takorluugaanut pivisunngortitseqataasinnaagatta.





Eqqumiitsuliorneq kulturilu (T5)

2022-mi nal. akunnerini 231-ni eqqumiitsuliorneq kulturilu pillugit TV aallakaatitassiorpoq.

Illeq, KNR-ip unnukkut aliikkusersuusaa sapaatip akunnerinut marloriarluni, marlungornikkut sisamannornikkullu minutsini 55-inik sivistutiginik aallakaatinneqartarpoq. Oktoberip qiteqqunnerani Savalimmiumunut angalanissaq Illeq-mit pilersaarusiorneqarpoq, tassani aallakaatitsinernit marluk Thorshavnimit Savalimmiumi TV suleqatigalugu toqqaannartumik aallakaatinneqarput.

Kulturi, inuiaqatigiit, ilinniartitaaneq peqqinnissarluni Illeq'mit aallaavigneqarput. Nunatsinni ullutsinni qulequttat pisullu misigineqartut Illeq'mi sammeneqartarput. Sinerissamit toqqaannartumik apeqqarissaarinerit toqqaannartumik aliikkusersuinissamik periarfissiisuupput.

Aliikkutassiat IKUMA sæson A aamma KINAMITA sæson C-mi ingerlanneqarput.

KNR-ip aallakaatitsivimmit Juullimi aliikkusersuutaa, Uummannami Juulli, Danmarkimi kalaallit juullisiornerat, sinerissamit erinarsoqatigiit, DR-ip juullimi pilluaqqussutaa kiisalu ukiut aappassaani erinarsoqatigiit Aavaat Amagerimi Christians Kirkemut aqqissuussinerat juullikkuni aallakaatitassiat taasariaqartut ilagaat, tassani KNR decembarip 31.-ani ukiutoqqami aliikkusersuinerimik KNR naggasiilluni.

Nutaarsiassat ullutsinnilu pisut (T6)

2022-mi nal. akunnerini 225-ni TV-iikkut nutaarsiassat aallakaatinneqarput. Nutaarsiassat ataasinngornermit tallimanngornermut nal. 19:00 toqqaannartumik kalaallisut aallakaatinneqartarput taavalu danskisut nutsigaaq nal. 22:00 aallakaatinneqartarluni. Qanorooq weekend arfininngornikkut aallakaatinneqartarpoq akunnerup naanerata ingerlanerani aamma DR-ikkut aallakaatinneqartarluni. KNR-ip kissaatigaa siunissami Qanorooq aallakaatitassiallu allat, teknikki kalaallisut oqaluttunik danskisut allagartalersuinerimut nutserinermi teknologi siuarsagaariarpata automatiskiusumik nutserisalermissaq. Ilisimavarput suliniut ingerlalluartaq neriuutugalugulu ineriartortitsinermut aningaasatigut taperneqarnissaq. Aasaanerani Qanorooq ulluinnarni minutsini 15-ini.

Ilinniartitaaneq (T7)

Nal. akunnerini 21-ni ilinniartitaaneq 2022-mut ikkunneqarput – ilinniartitaaneq Illeq'mi qulequtaavoq tassani ukiup aallartinnerani ingerlariaqqilluni ilinniarniarluni qinnuteqarnissaq sioqqullugu qitiutinneqartarluni.

Peqqissuseq (T8)

Nal. akunnerini 16-ini Peqqissuseq Illeq'mi aamma qulequtaasarpoq aqqissuisoqarfimmi qitiutinneqarallartarluni.

Danskisut aallakaatit (T9)

KNR2 aqqutigalugu Covid-19 pillugu danskisut aallakaatitassiat oqalutseqartillugit aallakaatinneqartarput, taakkuli danskisut aallakaatitassiatut nalunaarsorneqanngillat, KNR-ip aallakaatitassiarinngimmagit. KNR taamaallilluni TV-iikkut danskisut aallakaatitassiaqarpoq. Taassumunnga peqqutaavoq immikkut oqallinnermik qangatut KNR aallakaatit-sisarunnaarmat.

Ineriartorneq malillugu kalaallisut oqallinnerit, qineqqusaarnerit ilanngullugit, kalaallit danskullu oqaasii immikkoortillugit aallakaatinneqarneq ajorput. Ullumikkut oqallinnerit kalaallisuinnaq ingerlanneqartarput toqqaannartumik danskisut oqalutseqartillugit, nutserneqartoq KNR2-kkut aallakaatillugu.

Tamanna ukiut arlaqartut ingerlanerini ileqqunngoriartorpoq, qinikkat amerliartuinnartut danskisut oqallinneri peqataanissaq kissaatiginngimmassut, partiinullu atugassarititaasut assigiisinnarlugit taamaatut ingerlanissaq toqparparput.



Danskisut nutsikkat (T10)

Siuliani allassimasut innersuussutigalugit 2022-mi aallakaatitat nutsikkat malunnaatilimmik amerleriarput, taamaalil-luta aallakaatitat nutsikkat nal. akunnerinit 80-inik piumasarineqartunit nal. akunnerinik 59-inik qaangerpavut. Taamaa-lilluta 2022-mi nal. akunnerini 139-ni nutsikkani aallakaatitaqarpugut.

TV-iikkut nal. akunnerisa katinneri (T11)

Innuttaasunut Kiffartuussineq pillugu Isumaqatigiissutit naapertorlugit minnerpaamik nal. akunnerini 715-ini KNR TV-iikkut aallakaatitassiusaaq, 2022-imili nal. akunnerini 824-ni aallakaatitsilluni. Tamanna soorunami nuannaaruti-galugulu tulluusimaarutigaarput, sulisummi amerlassusii eqqarsaatigalugit tamanna naammassisaqarluarneruvoq.

KNR TV pisortaqarpoq, aaqqissuisoqarluni, 4-nik tusagassioortoqarluni, teknikerinik siulersorteqarluni, aliikkusersui-nermik ataqatigiissaarisooqarluni, timersornermik ataqatigiissaarisooqarluni allanillu sulisoqarluni aallakaatitassiullam-maasuupput – ineriartorneq isiginnaartartunut iluaqutaasoq. Tunniusimalluarnertik pissutigalugu TV-iikkut aallakaatitassiornermi pikkorissuupput nal. akunnerinik amerlasuunik allakaatitassiorsinnaasuupput. Tamannalu pillugu qujaffigissavagut.

Radiumi TV-milu teknik

Teknik ukioq kaajallallugu sap. akunnerini ullut unnuallu tamaasa sullissisuusarpoq. KNR-imi tekniki imaannaangit-sumik siuarsimasuuvooq. Illut marluk immikkut ittumik imaannaangitsunik unammilligassaqartitsivoq, taakkunani teknikikkut atortussiat inissimallutik tamannalu isumaqarpoq Issortarfik 1-imi (radioqarfimmi) teknikikkut ikkussukkat inini naleqqutinngitsuni inissineqartariaqarlutik tassanilu eqaassuseq periarfissallu killilersorneqarlutik, pingaarnertut ikkussukkat TV-ip illuutaani inissimallutik. Illut attartugaasut tusagassisarfitut sanaartugaanngimmata unammilligas-sarpassuaqarpoq, soorlu aallakaatitsiviit, immiussisarfiit aaqqissuisoqarfimmi ikippallaarlutik, nipimut pitaruminaaller-nerlugaallutik, silaannarissarnerlugaallutillu silaannalunermik malitseqartumik.

KNR 2017-imili 2022 ilanngullugu ima inissisimavoq nutaanngitsut nungullarsimasullu taarsersugaallutik, suliassaq imaannaanngitsuusoq atortussiat ulloq unnuarluk kipiffeqanngitsumik atugaammata ukiullu 3-5 allortarlugit taarserar-tuagassaallutik.

Taamaattumik aamma naatsorsuutigissavarput, flow-tv-tut ilisimasatta iluani ineriartorneq suli sukkasoorujussuus-sammat. Nunarsuarmi TV-iikkut siammarteriviit allarpasuit TC-iikkut aallakaatitassianik streamingimut nuukkalut-tuinnarput, ukiut qilikkaat aggersut iluini TV-iikkut siammarterinitsinnut aamma sunniuteqartussamik.

Aallakaatitsinermi aallakaatitassiornermilu teknikip nutaap pilersuisooq suleqatigalugu ineriartortitsinermi KNR-imi su-lisut aqutissiuusuupput. Taamaalilluta teknikikkut pisariillisaammik inerisaavugut, siammarteriviit pingasut tassaasut nutaarsiassat, radio TV-lu akimorlugit kingusinnerusukkullu web. Immikkoortortaqarfiit sulisullu ilinniarsimasatik ator-lugit namminneerlutik suleriaatsinut aallakaatitsinermilu atortunut piumasaqaateqarput. Tamassuma malitsigisaanik KNR siullersaagami europamiut TV-ikkut siammarteriviit TV-iikkut radiukkullu siunissami aallakaatitsissutit periutsillu oqaluuserineqaraangata issiaqataasarpoq. Tamassuma kingorna radioqarfimmi TC-qarfimmi ingerlatseqatigiiffiit amerliartuinnartut teknikimut taassumunnga soqutiginnittorujussuupput.

KNR europaamiunut tunngatillugu ineriartortitsinermi kingullersaasariarluni sallinngorluni iluatsippoq. Aallakaatitas-sioriaatsit naammassisaqarfiullu atortut ineriartortinneqartuarput sulisullu suliassani nammineersinnaanerullutik. Tamassuma malitsigisaanik KNR pitsaanerulersitsisinnaalernikuuvoq aallakaatitassialluni amerlanerusut nammassil-lugit, aningaasatigut killissarititaasut taakkuinnaagaluartut aallakaatitassioriaatsit nutaat pissanganartullu nakkutari-nerisigut.



2022-mi nalunaaquttap akunneri sulianut atorneqartut

	2022-mi isumaqatigissutit malillugit nalunaaqutap akunneranut	Isumaqati-giissut	Naammassiat	Nikingassut
	RADIO			
R1	Nunatsinni aallakaatitassiortut allat	75	213	+138
R2	KNR-imi aallakaatitassiat	2.790	2.976	+186
	Nammineq aallakaatitassiat			
R3	Meeqqat inuusuttullu	300	403	+103
R4	Eqqumiitsuliorneq kulturilu	1.300	1.440	+140
R5	Timersorneq	110	106	-4
R6	Nutaarsiassat ullutsinilu pisut	1.050	997	-53
R7	Ilinniartitaaneq	20	11	-9
R8	Peqqinneq	10	19	+9
R9	Danskisut allakaatitassiat	320	313	-7
R10	RADIO KATILLUGIT	2.790	2.976	+186
	TV			
T1	Nunatsinni aallakaatitassiortut allat	100	99	-1
T2	Nammineq aallakaatitassiat	715	726	+11
	Nammineq aallakaatitassiat			
T3	Meeqqat inuusuttullu	50	53	+3
T4	Timersorneq	180	280	+100
T5	Eqqumiitsuliorneq kulturilu	220	231	+11
T6	Nutaarsiassat ullutsinilu pisut	220	225	+5
T7	Ilinniartitaaneq	20	21	+1
T8	Peqqinneq	10	16	+6
T9	Danskisut aallakaatitassiat	15	0	-15
T10	Danskisut nutsikkat	80	139	+59
T11	TV KATILLUGIT	715	824	109



Aqutsineq/pisortaaneqarfik:

Sulisut illuutillu

Sulisut katitigaanerisa nassuiarneri

KNR-imi atorfiit aalajangersimasut 98-iupput. 2022-imi 94 sulisuupput, atorfillit 89, filmiliornermik TV-ikkullu immiussi-nermik ilinniartut marluk, tusagassiortunngorniartut marluk. Taakku immikkoortortaqaqarfinnut atorfinnullu ima agguagaapput.

Nutaarsiassaqaqtitsivik, Web, Radioavis aamma Qanoroq:

Sulisut 34; nutaarsiassaqaqtitsivimmi pisortaq, akisussaasut aqqissuisoq, aqqissuisut 4, nutserisut 4, tusagassiornermik ilinniartuq taavalu tusagassiortut 22. Taakkunannga tusagassiortuq ataaseq Qaqortumi najugaqarluni sulivoq, Ilulissani ataaseq kiisalu Danmarkimi ataaseq. Tusagassiortunit 22-nit 6 danskisut oqaaseqarput.

Qaqortumi sulisut pingasuupput tamarmik siammarterivinnut tamanut suliaqarlutik, tassa TV-mut, radiomut nutaarsiassanullu.

Radioqarfik:

Sulisut 20; radiup pisortaa, aqqissuisut pingasut, aqqissuisunut allatsit marluk, aallakaatitsisartut pingasut, speakerit pingasut taavalu tusagassiortut 11. Tusagassiortut tamarmik kalaallisut oqaluttuupput.

TV aamma teknikeqarfik:

Sulisut 33; TV-p pisortaa, pilersaarusiornermi pisortaq, sulinermi aqutsisut marluk, aqqissuisoq, tusagassiortut pingasut, timersornermik ataqaqtiissaarisuq, aallakaatitassanik pilersaarusiortuq, sullissinermi teknikeri, filmiliornermi TV-ikkullu allakaatitassiornermi teknikerit ilinniartut marluk, IT-mik aqutsisut marluk, TV-ikkut aallakaatitsisoq, toqqorsivimmi digitalinggorasaasut pingasut teknikerillu 13-it. Nammineerluni aallakaatitassiornermi teknikikkut sulisut immikkoortortaqaqarfiup nammineq isumagisarpai KNR-imilu immikkoortaqarfiit tamaasa sullitalarugit. 24/7 ukiumut ulluni 365-ini.





Aqutsineq/pisortaaneq:

Pisortaaneq , pisortaanermut allatsi, aningaasaqarnermut pisortaq , HR-imi pisortaq, naatsorsuuserisoq & niuernermit siunnersorti, HR-imi sulisoq aamma kiffartuussinnermi sulisoq.

MTU-mi kisitsisit pingaernerit nassuiaataat

Ennova A/S suleqatigalugu sulisut naammaginnissimaarnerat ukiut arfinilissaa misissorneqarpoq.

KNR-imi tamanit KNR-illu ataani immikkoortortaqaarfinit inernerit tigummineqarput. Immikkoortortaqaarfinit inernerit nalilersornerinit immikkoortaqarfiit ataasiakkaarlugit ukiup tullissaanut iliuusissat pilersaarusioneqartarput, suliffeqarfik tamakkerlugu sulisunut tamanut suliffik pitsaanerulersittuarniarlugu ineriartortittuarniarlugulu. Iliuusissatut pilersaarutit taakku malersorneqartuurtuupput pisariaqartitsineq malillugu naleqqussarneqartarlutik.

Illuutit illuutinullu tunngasut nassuiarneri

KNR maannakkut Nuummi illut marluk, Qaqortumilu ataaseq attartugaqarpoq. Taakku saniatigut Ilulissani Danmarkimilu marlunnit attartugaqarpugut, taakkunanani sulisut suliassatik suliarisinnaallugit.

Meeqqanut Inuusuttunullu aqqissuisoqarfik 2021-ip aallartinnerani Issortarfik 1a-p naqqanut nuuppoq takassumalu affaa allaffinnut, isumassarsiorfimmu TV-iikkullu immiussisarfimmu atorlugu. Affaata appaa radiukku TV-iikkullu aallakaatitat nutaanngitsut bånditaasa digitalinngorsarnerinut, KNR A P Møller aningaasaateqarfianit taperneqarneratigut, atorneqarpoq. Issortarfik Aa'p servereqarfiata nutaamik silaannarissaatilerneratigut illup iluani silaannaq pitsaanerulerpoq, servereqarfiup illup sinnerata silaannarissarneranit silaannaq annertoq tigusarmagu. Taamaattoq illuni atukkatsinni tamani iluamik silaannarissaaneq ajornartorsitugaarput.



2021-mi Nuuk qamittuullarmat paasivarput, sillimmatit innaallagissiorfitta radiup illutaani atuneq artoraa. Ajutoornermi innaallagissiorfik KNR-ip pigisaa ukiorpaaluit matuma siorna KNRip Kissarneqqortuunnguamikkallarmalli pisiaavoq. Radiup illutaanut ajutoornermi innaallagissiorfik ima piginnaanikitsigaaq servereqarfik immiussisarfillu ataaseq kisiisa nammassinnaallugit. Taamaattumik qamittoqqaneq tamakkerlugu radiup illutaa qulleqanngilaq, qullernut, nillataartitsivinnut, kaffiliorfennut suliffittullu allaffinnut sarfaqanngimmat. Servereqarfimmi uiguutit marluk radio nutaarsiassallu pc-nut 4-nut sarfamik pilersuisuupput.

Taamatut inissisimaneq soorunami naammaginangilaq, KNR nuna tamakkerlugu upalungaarsimaniarnermi pingaaruteqartuummat. Kultureqarnermut Naalackersuisoqarfik oqaloqatigereerlugu ilisimatitsivoq, ajutoornermi generatori nammineerluni akilerneqassasoq, tekniqevarnermi aserfallatsaalisaaerup ataani, tamatuma kingorna neqerooruteqartitsisoqarpoq, tamatumalu kingorna ajutoornermi generatori nutaaq 1,5 mio. kr.-lik pisiarinqarpoq. Ajutoornermi generatori sananeqaleruttorpoq 2023-mi aasaanerani tunniunneqarnissaa naatsorsuutigineqarluni.

Illup aappaani TV-qarfiusumi assingusumik ajornartorsiuteqarpugut, allaffinni qulleqarata, TV-iikkut allakaatitsinissamut Qanoruumillu aallakaatitsivianut taamaallaat sarfaqarluni. Paasineqarpoq ajutoornermi generatorip sakkortususia TV-qarfimmut naammakkaluartoq. Kisiannili TV-qarfik suliffeqarfinnit allanit aamma atorineqarpat taavalu hovedtavle ataasiinnaalluni, taamaattumik servereqarfimmut, allakaatitsivimmu el-gruppemullu taamaallaat sarfaler-suisoqarpoq. TV-qarfimmi innaallagissamik ikkusuinissamut periarfissat allat misissuleruttorpagut.

KNR illunut marlunnut avinneqarnera naapertuutinngilaq ataqatigiissaarinq naammassisaqarluarsinnaanerlu nalinninnaasumik pisussaagaluit akornusermagit, aaqqissuisoqarfiit suleqatigiittut sulisullu illuni/inini ataatsimoortumiikkaluarpata. Tamassuma saniatigut illut akornanni KNR internetsimut sakkortuumik akisuumillu attaviliisariaqarsimavoq TV-iikkut radiukkullu aallakaatitsisinnaaneq sulisut amerlanersaat aaqqissuisoqarfiillu illup aappaaniimmata. Illut aamma quersuartut fabrikittullu sanaajupput, tamannalu pissutigalugu tusagassiisarfittut aallakaatitsivinni allaffinnilu pissutsit pitsaasut pilersikkuminaapput. Radiukkut TV-iikkullu aallakaatitsiveqassagaanni nipimut pitaruminaatsunik iigaqartariarpoq, nipigissuuneq ersarissuunerlu angussagaanni, illuutinili nassaassaangillat. Aallakaatitsiviugallartuupput, ilaannakuusumik nipimut pitaruminaassakkat kiffiaanilersukkallu silaannarissaaveqanngitsut, tamassumalu malitsigisaanik aallakaatitsiviit kiatsittarput silaannalussillutillu. Illup ilui silaannaluttorujussuupput, pingaartumik aasaanerani nillataartitsiveqannginnerani silaannarissaateqaranilu, tamannalu sulisut akornanni ukiumoortumik misissuinitanni tamatigut tikkuartorneqartarpoq.

KNR illunut taakkununga marlunnut ukiumut 4,2 mio. kr. attartornermut akiliutigisarpari.





KNR'ip siammarterivii online – Web, SMS, TTV, lysavis

KNR'ip siammarterivii online– Web, SMS, TTV, lysavis

KNR siammarterivinni ukunani saqqummersitsisarpoq.

- Web
 - **KNR.gl - KNR'ip pisortatigoortumik nittartagaa**

Nittartagaaq tusagassiisarfusoq makkuninnga imalik

 - Nutaarsiassat, silassaq, toqqaannartut, qinersinerit, immikkoortut allarpassuillu
 - TV-imut immikkoortoq knr.gl/tv On-Demand video-nik siammarterivik TV-iikkut aallakaateriikkanik toqqorsivittalik aammalu kanalinit marluusunit toqqaannartumik aallakaatitsivik (OTT)
 - Radiumut immikkoortoq knr.gl/radio podcastinik, toqqaannartunik, pilluaqqussutinik allanillu imalik
 - Atuisunut immikkoortoq assitalik allanillu kiffartuussivittalik
 - **YouTube**

youtube.com/KNRGreenland (KNRip TV-iikkut aallakaatitai, aamma live-stream KNR1)

youtube.com/nutaarsiassat (KNRip nutaarsiassaatai, aamma live-stream KNR2)

youtube.com/meeqqanut (KNR meerartatsinnut)
 - **Facebook**

facebook.com/nutaarsiassat kiisalu radiomut TV-mullu aaqqissuisoqarfinnit Facebook-imut ikkussukkat
 - **Twitter**

twitter.com/nutaarsiassat
 - **Live** KNR1, KNR2 aamma KNR-radio toqqaannartut
 - **Podcast:** KNR.gl, Libsyn, Apple Music, Spotify aamma Google Podcast
- SMS
 - Mobilinut kiffartuussivik 1717, polls-italik, TV-iikkut radiukkullu aallakaatitanut tigoqqaavik siammarterivillu
- TTV
 - Tekst-tv KNR1-imi KNR2-milu nutaarsiassat, aallakaatitassat, timmisartut pillugit paasissutissat, il.il.
- Lysavis
 - KNRip Nuup qeqqani nutaarsiassanik lysavisia



KNR.gl


Saqqaa KNR pillugu KNR pillugu nutaarsiasat Acorfit Kalaallisut Dansk

KNR Kalaallit Nunaata Radioa Greenlandic Broadcasting Corporation

Qasigiannuit **14°C** 3.9 m/s ↓

Nutaarsiasat TV Radio Podcast Politikki Inuussutiss. Kulturi Timersorneq Nunat allat **Silassaq** Asslislvik

SAMMISAT Corona Kuannersuit #KQ2021 #IQ2021



2022-mi knr.gl 1,6 milliunit miss. iserfigineqarpoq

KNR.gl 2022 tikillugu ukiuni 8-ni taamatut iluseqarpoq ikittuinnarnik allangortinneqarluni. Nittartagaq nutaaq suliniuti-gineqarpoq, tekniki nutarterlugu ilusialu nutaanngorlugu ukiup aallartinnerani aallarnisarneqarpoq. Siullermik pilersaarutaavoq ukiup taassuma naanerani atulissasoq, KNR-illi isumalluutissai pissutigalugit piffissatigut killilerneqarpoq, taammaattumik 2023-p aallartinnerani atulerluni. Peytz & Co qanimut suleqatigalugu nittartagaq KNR-ip suliaraa.

Nittartakkap iserfigineqartarnera 2022-mi appariarpoq, nittartakkap oqaluttuarisaanerani aatsaavissuaq, 2021-mi isertartut amerliartornerisa unikaallernerinit. 2022 **1.643.826 atuisuuppit**, ukiup siuliani **1,9 mio.** siulianilu **1,8 mio.**



Inissisimaneq suli 2019-imi qaffasinneruvoq. Tamassumunnga pissutaavoq nittartagassap sularineranut nukiit ator-neqarmata, taavalu nittartagatoqqap nutaanik immersornissaanut piffissaq annikinnerusoq atorneqarluni.

Ukioq	KNR.gl-imi atuisut ataasiakaat
2022	1.643.826
2021	1.897.834
2020	1.822.582
2019	1.047.346
2017	1.019.400

2022-mi aatsaavissuaq atuisartut ikileriarput.

Tamanna aamma immikkoortuni quppernenu kisitsit appasinnerinut takussutissiivoq.

2022-mi **7,0 mio. sessionsit** (nittartakkamut isertut erseqqivissumik 6.975.987-it)

2021: **8,6** mio. sessionsit

2020: **7,9** mio. sessionsit

2019: **5,3** mio. sessionsit

2022-mi quppernerit iserfigineqartut **14,2 mio.** (14.261.598 erseqqivissumik)

2021: **18,9** mio.

2020: **16,8** mio.

2019: **11,9** mio.

Atuisartut agguaqatigiisillugu tassaapput **16-18.000**, ullut ilaanni qaffasinnerpaamik ulloq 10. januar 2022 27.248-llutik. Immaqa nutaarsiassat amerlanerummata, kisianni ilimarpog "Corona pillugu ullumikkut kisitsisit: Nutaat 477-it paasineqarput ataatsimillu toqusoqarluni" pissutaqaataasimassasoq.





Mobilitet, devices

KNR.gl amerlanernit mobilikkut isiginnaarneqartarpoq. Amerlassuseq aalajaatsoorpasippoq, tassani isertartut **70%** mobilinit, **5%** tabletinit taavalu **25%** qarasaasianit.

2022

1. mobile	1,162,934 (70.41%)
2. desktop	391,889 (23.73%)
3. tablet	96,731 (5.86%)

2021

1. mobile	1,341,791 (71.05%)
2. desktop	423,855 (22.45%)
3. tablet	122,754 (6.50%)

2020

1. mobile	1,255,459 (69.16%)
2. desktop	418,669 (23.06%)
3. tablet	141,296 (7.78%)

2019

1. mobile	668,848 (63.19%)
2. desktop	264,206 (24.96%)
3. tablet	125,438 (11.85%)

KNR.gl.imik atuisut.



TV Live aamma VOD, kiisalu Radio Live AOD


KNR web-ikkut TV-iikkut radiukkullu aallakaatitanik neqerooruteqarpoq, tassa kanalitsigut KNR1, KNR2 aamma KNR Radio atorlugit aallakaatitavut, live-streamingorlugit, taavalu aallakaatitarpasuit VOD-tut (Video-On-Demand) aamma AOD-ttut (Audio-On-Demand), tassa isumaqarpoq sumiikkaluaraanni qaqugukkulluunniit KNR-imi aallakaatitat isigin-naarneqarlutillu tusarnaarneqarsinnaapput "on demand"

KNR.gl-ikkut TV aamma radio neqeroorutigineqarput siammarteriviit TV-mut YouTube, radio, Jet Stream kiisalu podcastinut Libsyn atorlugit. CDN-imik taaguutilik siammarterivik, Content Delivery Networks, isumaqartoq sumiiffimmini imarititaasut sukkasuumik tigoqqarsinnaagai. Tamanna aamma isumaqarpoq KNR-imut aningaasartuutikinnermik, siammarteriviit taamatut ittut sanilliunneqarsinnaanngitsumik akikitsuummata, KNR-ip namminerisamik serveriinit atuinermit.

TV live-stream

Antenne DVB-t atorlugu KNR TV atuisartunit nal. akunnerini qassini atorneqartarnersoq oqaatigiuminnaappoq. Tamassumunnga pissutaavoq taamanna KNR-ip teknikikkut uuttorsinnaanngimmagu. Kisianni internetsikkut live-stream atorlugu ineriartorneq ersarissuuvoq. Kisitsisit **isiginnaakkanut 902.361-inut** qaffannikuupput KNR1-imut.

Ukioq	KNR1, isersimanerit
2022	902.361
2021	667.458
2020	324.879
20219	187.961



KNR1 Live stream 2022 2021-imut sanilliullugu.






KNRs live-stream piginnituutitaaneq pissutigalugu Nunatsinnut, Danmarkimut Svalimiunullu killiligaavoq. Ilaanni Nunatsinnuinaq killilernerqartarluni.

Ukiumi tassani novembarip aallaqqaataani, Folketingimut qinersinermi, KNR1 nal. ak. 24 ingerlanernini **9.610-riarlugu** live-stream-erneqarpoq.

KNR2 live-stream timersornernik, KNR1-ip toqqaannartumik nutsernerani kiisalu Inatsisartut ataatsimiinnerisa alla-kaatinnerinut atorneqartarpoq. KNR2 live-stream aamma qaffariaateqarpoq, 2022-mi **473.308-nit isiginnaarneqaluni**, 2021-imit marloriaatinngorlutik, tassani kisitsit tassaalluni 221.429.

TV VOD (Video On Demand)





KNR live toqqaanartumik isersimaneq kiisalu 2022, 2021 aamma 2020 on-demand





KNR TV amerlialuttuinnartunit internetsikkut isiginnaarneqartarpoq. Inuppassuit internetsikkut TV-mik isiginna-rusunnerusarput. Videomik isiginnaariaaseq malinnaasoq. Internetsi siammaraluttuinnarpoq, taamatuttaaq TV-iikkut aallakaatitseriaaseq. Ilimagisariaqarpoq TV-iikkut ileqquusumik aallakaatitseriaaseq, tassa KNR1-ikkut KNR2-kkullu aallakaatitanik isiginnaartarnek ilutigalugu apparartortoq.

KNR-ip pingaarnertut kanaliani kisitsisit ineriartorneri uani takuneqarsinnaavoq, tassaasut nutaarsiassaangitsut meerartatsinnuunngitsullu.

2022: **4,31 millioner isersimanerit**

2021: **3,82 millioner isersimanerit**

2020: **2,85 millioner isersimanerit**

2019: **1,95 millioner isersimanerit**

2022-mi isiginnaarneqartut 13% miss. qaffariarput. Piffissanngorlugu tassaallutik nal. ak. 1,4 mio. imaluunniit amerle-riaat 32 %. Ukiup siuliani kisitsit tassaavoq 1,1 mio.

TV-iikkut aallakaatitassiat tamanut saqqummiunneqartut tamakkerlugit KNR-ip On-Demand atorlugu YouTube aqqu-tigalugu isiginnaagassanngortittarpai:

KNR TV (KNRGreenland), pingaarnertut kanali (maannakkut atasoq 7.800+ videonik),

KNR - Nutaarsiassat (KNRnews) nutaarsiassaq kanalia (maannakkut atasoq 3.900+ videonik) aamma **KNR Meeqqan-ut** (KNRkids) meeqqanut aallakaatitsivik (maannakkut atasoq 759 videonik).

Nutaarsiassat **853.032-nit** isiginnaarneqarput, qaffariarneq 36%, imaluunniit **nal. ak. 333.164**, ukiup siulianit 94%-inik annertunerusoq.

Meerartatsinnut **709.400-ni** isiginnaarneqarpoq, ikileriaat 11%. Tamanna isumaqarsinnaavoq kanalip nittarsaatigineru-nissaanik. Piffissanngorlugu ukiup siulia assigiinnarpaa, **nal. ak. 103.587**.





KNR.gl/tv atorlugu 2022-mi isiginnaarftut **6 mio. missaaniipput** (5.874.523) piffissanngorlugu **nal. ak. 2 mio.** (1.846.209).

Device type	Views ↓	Watch time (hours)	Average view duration
<input type="checkbox"/> Total	4,312,087	1,409,458.3	19:37
<input type="checkbox"/> TV	1,864,980 43.3%	911,947.4 64.7%	29:20
<input type="checkbox"/> Mobile phone	1,621,324 37.6%	266,697.5 18.9%	9:52
<input type="checkbox"/> Computer	490,310 11.4%	151,019.6 10.7%	18:29
<input type="checkbox"/> Tablet	296,371 6.9%	60,945.4 4.3%	12:20

Smart-TV-ip mobil qaangerpaa

Sumi TV-mik isiginnaartarnerit agguataarinerup takutipkaa atuisartut amerlanerit, KNR-imik internetsikkut isiginnaartartut, Smart-TV atorlugu TV-iikkut isiginnaartartut amerliartortut. 43% KNR Smart-TV atorlugu isiginnaarpaat taavalu 38% mobili atorlugu isiginnaarlutik. Kisitsisit taakku 2021-mi killormoorput. Aamma TV-mik isiginnaarnerit sivisunerrupput mobilimut sanilliullugu, tassa 65% 2022-mi Smart-TV-mut piffissaq atornerqarpoq. Piffissaq Smart-TV-mut atornerqartoq agguaqatigiisillugu tassaavoq minutsit 29:20.

TV: 43,3% (38,4%, 2021 aamma 26,5%, 2020 aamma 19,2%, 2019)

Mobilit: 37,6% (40,2%, 2021 aamma 43,9%, 2020 aamma 46,1%, 2019)

Qarasaasiaq: 11,4% (12,3%, 2021 aamma 14,6%, 2020 aamma 16,6%, 2019)


Tabletsit: 6,9% (8,1% 2021 aamma 10,6%, 2020 aamma 14,4%, 2019)

Kiisalu oqaatigineqassaaq akiliillutik isiginnaartartut aamma amerleriarmata, maannali **14.800** KNR-ip pingaarnertut kanalianik akiliillutik isiginnaartarput, YouTube-mi **4.300** KNR News aamma **2.720** KNR Kids isiginnaartarpaat.



Radio live-stream internetikkut

Visits Over Time



Visits Overview




KNR-imik live-stream aqqutigalugu atuisartut amerlassusii suli qaffasipput, 2022-milu 7%-imik qaffariarput, taamaat-toq 2021 9%-inik ikileriarnikuusut. **2022-mi 2,4 mio.** iserput, eqqornerusumik 2.419.774, 2021-mi 2,3 mio.

Agguaqatigiisillugu ullomut **6-7.000 ullormut atuisartut** isertarput live-stream radiomut.


Tupinnangitsumik atuisartut salliusumik Danmarkimit aamma Nunatsinneersuupput, tassa pingasuugamik 2 (Danmarkimit 34% Nunatsinniillu 24%)

Nunatsinni innuttaasunut KNR-imik internetsikkut tusarnaarnissamik FM-ikkuinnaangitsoq neqeroorfigineqarnerisa saniatigut, KNR-ip taamaallilluni Danmarkimi – Nunarsuullu sinnerani - pisariaqartitsineq aamma matussuserpaa. Ilimagineqarpoq, naak qulakkiingikkaluarlugu, tusarnaartartut amerlanersaat kalaallinik sorlaqartut, allakaatitat kalaallisuummata.

2,419,774 visits



KNR radio internetsikkut live-stream. Atuisut agguataarneri: Danmark 34%, Nunarput 24%, USA 6% sinneruttullu 36% nunarpassuarnit assigiinngitsunit.




Atuisartut affaasa miss. mobil atorlugu KNR radiomik live-streamertarput taavalu pingajorarterutaat DAB radio assingusorluunniit atorlugu ('Unknown'-imik aappalorujuttumik ilisarnaasigaq)





Radio AOD (Audio On Demand, podcast)

2021-mi KNR-ip podcastimut piviusumut nuunnerani isiginnaagassianik akiliilluni nittartakkami tusarnaaginnarsinnaanermut taarsiullugu isiginnaarsinnaanermik periarfissaqartillugu, ukiut sanilliussinnaavagut takullugulu amerleriartoqartoq. Downloadit amerlassusii 2021-imi 209.384-iniit 2022-mi **downloadit 318.738-nut** amerleriarput.



2022-mi aallakaaatitat aaneqartut amerlanerpaat qulit:

1. 2022-imi Radioaviisi, KNR Nutaarsiassat **76.238**
(2021-imi 47.924 , qaffariaat 59%)
2. 2022-imi Radioavisen, KNR Nyheder 63.170
(2021-imi 49.167, qaffariaat 28%)
3. 2022-imi Misigisat Eqqumiitsut, KNR **48.027**
(2021-imi 39.897, qaffariaat 20%)
4. 2022-imi Nunatta Nipaa, KNR 29.940
(2021-imi 17.374, qaffariaat 72%)
5. 2022-imi #Inuushow - inuusuttunut, KNR **22.673**
(7.144 i 2021, qaffariaat 217%)
6. 2022-imi Inuiaat Tillernerat, KNR **14.695**
(9.325 i 2021, qaffariaat 57%)
7. 2022-imi KNR-ip toqqorsivianit **12.660**
(2021-imi aaneqarnerpaani qulini ilaangitsut)
8. 2022-imi Aqqutiga, KNR **10.913**
(2021-imi aaneqarnerpaani qulini ilaangitsut)
9. 2022-imi Ilisaritipparput, KNR **9.256**
(9.681 i 2021)
10. 2022-imi Oqaluttuarisaanerput alakkarterparput, KNR **9.030**
(2021-imi 7.059 qaffariaat 27%)

Inuit napittarfii allat (SoMe)

Facebook.com/nutaarsiassat


Tusagassiortut nutaarsiassaq Facebook-imut ikkutissanersoq toqqarpassuk KNR-ip nittartagaani nutaarsiassat imminik pisumik saqqummersinneqartarput. KNR-gl-imik atuisartut pingajorarterutaat 35,9% nutaarsiassanit Facebook-imut Twitter-imullu ikkunneqartuneersuupput. Taamaattumik inuit naapittarfii KNR-ip nittartagaanut tapertaaluartuupput.

KNR-imi Nutaarsiassat Facebook-imi quppernerat 24.856-inik followers-eqarpoq (siusinnerusukku 'likes') Tulliuttumi utoqqassutsit agguataarneri takuneqarsinnaapput, kiisalu arnaaneri angutaanerilu, tassani angutit arnanut sanilliullugit ikinnerullutik; arnat 55,5 % angutillu 44,5 %. Tamanna Facebook-imi quppernermut nutaarsiassaannngilaq.

Facebook Page followers ⓘ

24,856

Age & gender ⓘ



2022-mi Facebook Page reaches 399.717-upput, tamanna isumaqarpoq KNR-imi Nutaarsiassat Facebook qupperneranut atuisartut 400.000 isersimasut.






Atuisartut tamangajammik Danmarkimeersuupput nunatsinneersuullutillu:

Nunani aaneqartut amerlanerpaat qulit

Top countries



Illoqarfinni aaneqartut amerlanerpaat qulit

Top cities






twitter.com/nutaarsiassat

KNR-ip twitteria 2022-mi 2.553-init malinnaavigineqarpoq – minnerusumik amerleriarneq.

Your Tweets earned **124.7K impressions** over this **91 day period**



Kvartalimi siullermi kisitsit qulaani takuneqarsinnaavoq, twitterip kvartalikkaartumik inernerit takutittarmagit kingornalu katiterneqarlutik. Ukioq kaajallallugu 354.300 impressions, malunnaatilimmik ukiup siulianit 1.151.000-nit ikinerullutik. Ullormut 15 miss. KNR-ip linkia toorneqarpoq.





KNR TTV (tekst-tv)

Tekst-tv-mi nutaarsiassat Drupal imaluunnit NXTEdition atorlugit aqqissorneqartarput. Nutaarsiassat 25 kingulliit, oqaatsit marluk atorlugit, tekst-tv-mi ersittarput. Kiisalu ilaatigut aallakaatitassat takussutissaat, timisartut tikiffissaat aallarfiisaallu, paasissutissallu allat.

Inuuttaasut ilaat, immaqa sisamararterutaat (2020-mi 41%) ullut tamaasa, tamangajaasalu tekst-tv-mik atuisuupput.

KNR SMS 1717

KNR-ip mobilinut kiffartuussivia unammisitsinernut, tv-iikkut radiukkullu toqqaannartumik taasisitsinernut kiisalu radiukkut allakaatitani innuttaasunik akuusitsinernut KNR-imillu atassuteqartitsinernut, assersuutigalugu nutaarsias-saqartitsivimmuut atassuteqarnermut atorneqartarpoq.

KNR-gl-imi kiffartuussissutit allarpassuit

KNR-ip nittartagaani kiffartuussissutit assigiinngitsorpasuupput. Silassamiik allakaatitassanut immikkoortunullu assiuteqarfimmullu – ilaannai taallugit. Atuisartut KNR-imut assinik ikkussuisartut suli amerliartorput, maanna 18.000-ullutik.





Naatsorsuutit 2022

	Kr. Naatsorsuutit 2022	Kr. Missingersuutit 2022	Kr. Nikungasut
ISERTITAT			
Tapiissutit aningaasaliissutit	- 71.155.000	- 71.155.000	-
Isertitat allat	- 8.649.557	- 7.135.000	- 1.514.557
ISERTITAT KATILLUGIT	- 79.804.557	- 78.290.000	- 1.514.557
ANIGAASARTUUTIT			
Akissarsiat	47.579.525	50.306.407	- 2.726.882
Akissaatersuutit (honorarer)	6.385.123	5.420.500	964.623
Sulisoqarnermut aningaasartuutit	2.266.851	2.042.676	224.175
Aallakaatitassionermut aningaasartuutit	4.274.645	2.779.700	1.494.945
Isumaqatigissutit pisussaaffiillu	3.251.075	3.569.500	- 318.425
Allaffissorneq	1.218.141	1.531.000	- 312.859
Biilit aamma taxat	682.741	344.862	337.879
Atortut & IT	5.140.682	4.362.177	778.505
Illunik ingerlatsineq	7.795.848	6.365.580	1.430.268
ANINGAASARTUUTIT KATILLUGIT	78.594.631	76.722.402	1.872.229
ERNIAT IL.IL.	59.086	80.000	- 20.914
UKIUMI ANGUSAT	- 1.150.840	- 1.487.598	336.758



Aningaasaqarnermut tunngasut

Aningaasaqarnermut immikkoortorta qarfik pingasunik sulisoqarpoq, sulisoq ataaseq radiukkut TV-ikkullu pilerisaarutit pillugit naatsorsuuserisuulluni / siunnersortaalluni.

2022-mi decembarip 31-ani tamakkiisumik atorfiit katillugit 97-upput, taakkunanga ilinniartut marluk, agguataarlugit tusagassiortunngorniartoqarani taavalu FTP-mik ilinniartut marluk. 2021-mi decembarip 31-anut sanilliullugu sulisut 97-upput taakkunanga FTP-mik ilinniartut marluk.

Ukiumi akissarsianut aningaasartuut katinneri tassaapput 47,5 mio. kr. Akissarsianut aningaasartuutit 2022-mi isertit katinnerinut 64%-put.

Ingerlatsineri angusat siulersuisut nammaginatippaat.

Aningaasaqarnermut tunngasut

Ukiumi angusat **1.340.919 kr.-nik** sinneqartoorfiupput, missingersuutitut sanilliullugit sinneqartoorutit **1.487.598 kr.-iusut**, tassani **146.679 kr.** nikingassutaalluni. Nikingassut taanna pingaarnertut pissuteqarpoq 2022-ip ingerlanerani ajutoornermi generatorimut KNR-ip aningaasaliisariaqarnera 1,5 mio. kr.-nik akilimmik, 2022-ip aallartinnerani missingersuutaanngitsumik.

Tamassuma saniatigut makku nikingassutaapput:

Malunnaatilimmik iluaqutaasumik nikingassutit:

- KNR-ip toqqorsivianiittunik digitalinngorsaannermu aningaasaateqarfimmit
- Pilluaqqussutinit & SMS-imit isertitat amerlaneruni
- Atorfiit inuttaqanngitsut pissutigalugit akissarsiat ikinnerusut
- Isumaqtigiissutitut pisussaaffinnullu aningaasartuutit ikinnerusut

Malunnaatilimmik nikingassutaasut ilanngaataasut:

- SMS-ikkut eqqugassanut atatillugu aningaasartuutit amerlanerusut, aamma KNR-ip ajunngitsuliornermi tunissutaanut
- Biiliniq nutaanik pisineri biilinit taxanullu aningaasartuutit
- Atortussianut IT-mullu pisineri aningaasartuutit
- Generatorimik pisineri sanaartukkanut aningaasartuutit.